

四庫全書

集部

欽定四庫全書

御定佩文齋詠物詩選卷四百五十五

鷓鴣類

伯勞同

五言古

鷓鴣吟

唐

劉禹錫

朝陽有鳴鳳不聞千萬祀  
鷓鴣催衆芳晨光先入耳  
秋風白露稀從是爾啼時  
如何上春日唧唧滿庭飛

七言絕句

即事寄人

唐楊凌

中禁鳴鐘日欲高  
北窗欹枕首頻搔  
相思寂寞青苔合  
惟有春風啼伯勞

湘中謠

唐崔塗

煙愁雨細雲冥冥  
杜蘭香老三湘清  
故山望斷不知處  
鷓鴣隔花時一聲

水口行舟

宋朱子


鬱鬱層巒夾岸青  
春山綠水去無聲  
煙波一棹知何許

鷓鴣兩山相對鳴

燕京暮春歌

明  
靳學顏

三月楊花滿御溝可憐春色亦東流  
行人不用多惆悵  
鷓鴣年年喚白頭



御定佩文齋詠物詩選卷四百五十五

欽定四庫全書

集部

御定佩文齋詠物詩選卷四百

五十六至六十五

詳校官侍郎<sub>臣</sub>李封

主事銜<sub>臣</sub>徐以坤覆勘

總校官檢討<sub>臣</sub>何思鈞

校對官中書<sub>臣</sub>張曾炳

謄錄監生<sub>臣</sub>史殿榮

欽定四庫全書

御定佩文齋詠物詩選卷四百五十六

白頭公類

七言古

白頭公詞

元  
陳基

杜陵三月春風暖  
燕語鶯啼雜絃管  
落花撩亂紫騮嘶  
平樂歸來酒尊滿  
雨急風篁忽已秋  
幽鳥多情亦白頭  
不隨翡翠花間宿  
却愛鴛鴦水上游  
春去秋來不知老

安樂即多憂患少綺窗深處語言奇付與紛紛秦吉了

五言絕句

題畫白頭雙鳥

元 貢性之

笑殺錦鴛鴦浮沈浴大江不如枝上烏頭白也雙雙

七言絕句

子昂畫

元 虞 集

棠梨枝上白頭翁墨色如新最惱公直似故園花石外  
銅盤和露寫東風



梨花白頭翁圖爲四明應成立題

元納延

淡月溶溶隔畫樓一枝香雪近簾鉤  
山禽似怨春歸早獨立花間自白頭

雪竹白頭翁橫披

元宋璫

琅玕裊裊碧雲空雪綴斜梢倚北風  
丹鳳不來年歲晚一枝聊借白頭翁

花上白頭翁

明王紱

欲訴芳心未肯休不知春色去難留東君亦是無情物  
莫向花間怨白頭

題海棠白頭翁使面次韻

明 錢 洪

山禽原不解春愁誰道東風雪滿頭  
遲日滿欄花欲睡  
雙雙細語未曾休

白頭公圖

明 沈 周

十日紅簾不上鉤雨聲滴碎管絃樓  
梨花將老春將去  
愁白雙禽一夜頭



御定佩文齋詠物詩選卷四百五十六

欽定四庫全書

御定佩文齋詠物詩選卷四百五十七

白鳥類

五言律

送陳偃賦得白鳥翔翠微

唐朱灣

不知鷗與鶴天畔弄晴暉  
背日分明見臨川相映微  
淨中雲一點迴處雪孤飛  
正好高枝立翩翩何處歸

五言絕句

登白樓見白鳥席上命鷓鴣辭

唐

李益

一鳥如霜雪飛向白樓前問君何以至天子太平年

七言絕句

河梁晚望

唐

僧子蘭

水勢滔滔不可量  
漁舟容易泛滄浪  
連山翠靄籠沙渚  
白鳥翩翩下夕陽

青田同七五兄作

宋

薛季宣

烏雲送雨過前山  
白鳥將雛向遠灣  
獨立谿亭無箇事  
湍流瀧石鎮潺湲

御定佩文齋詠物詩選卷四百五十七



欽定四庫全書

御定佩文齋詠物詩選卷四百五十八

翠鳥類

五言古

翠鳥

漢  
蔡邕

庭取有若榴綠葉含丹榮翠鳥時來集振翼修容形回  
顧生碧色動搖揚縹青幸脫虞人機得親君子庭馴心  
託君素雌雄保百齡

翡翠

宋文同

清晨有珍禽翩翩下魚梁其形不盈握毛羽鮮且光天  
人裁碧霞為爾縫衣裳晶熒眩我目非世之青黃愛之  
坐良久常恐瞥爾翔忽然投清漪覓食如針鉉如是者  
三四厭飫已一航既飽且自嬉翻身度回塘飛鳴逐佳  
匹相和音琅琅是時鳧與雁狼藉島嶼旁滿腹釀腥穢  
紛紛曬晴陽鶯鶯鷓最麤惡背大脚脰長入水捕蛇鱖  
泥亦銜將想其見爾時一喙亦爾傷其心肯謂爾被體

凝華章勸爾慎所止好醜誰同鄉清谿多纖鮮亦足充  
爾腸江海深且闊所獲未可量爾當事澡刷帝圃參鸞  
凰

東谷書所見

文同

野水瀉古穴石岸盤回淵飛塵不可入竹樹圍清連靜  
往得勝翫深居逃俗緣寒光照煩襟景寂心自圓枯筮  
蹲碧禽垂頸窺沈鮮對之不敢動相望兩俱禪

七言古

翡翠鳩

唐李紳

翡翠飛飛繞蓮鳩一啄嘉魚一鳴舞蓮莖觸散蓮葉歌  
露滴珠光似還浦虞人掠水輕浮弋翡翠驚飛飛不息  
直上層空翠影高還向雲間雙比翼彈射莫及弋不得  
日暮虞人空歎息

拾羽曲

宋文同

新羅研紅裙禰齊綵縷刺衫花倒提新晴暖日麗煙草  
金獸齧鎖藏春閨朱橋逼江曉沙白錦帶交風大堤側

蘭洲遺翎得殘碧歸來鷺飛上嬌額

七言律

翡翠巢

元

楊維禎

羅浮花使先春到來傍玉樓深處巢舞雪艷翻楊柳絮  
歌雲輕壓海棠梢屏開時露鴉頭襪絃斷應銜鳳背膠  
却笑雪衣娘太劣雕籠深鎖未全教

五言絕句

絕句

唐

杜甫

日出籬東水雲生舍北泥竹高鳴翡翠沙僻舞鷓鴣雞

銜魚翠鳥

唐錢起

有意蓮葉間瞥然下高樹擘波得潛魚一點翠光去

魚池

積水自淵淵來源常汨汨岸上翠衣禽對人時一沒

六言絕句

翡翠

宋文同

見說長喙須避得少纖鱗便飛為報休來近岸有人愛

汝毛衣

七言絕句

翠碧鳥

唐  
陸龜蒙

紅襟翠翰兩參差  
徑拂烟華上細枝  
春水漸生魚易得  
莫辭風雨坐多時

翠碧鳥

唐  
韓偓

天長水遠網羅稀  
保得重重翠碧衣  
挾彈小兒多害物  
勸君莫近五陵飛

翡翠

唐僧齊己

水邊飛去青難辨  
竹裏歸來色一般  
磨吻鷹鷂莫相害  
白鷗鴻雁滿沙灘

懷友

明張弼

飛花渺渺送春歸  
忽漫鈎簾對夕暉  
竹下小池雙翡翠  
銜魚飛過綠苔磯

御定佩文齋詠物詩選卷四百五十八



欽定四庫全書

御定佩文齋詠物詩選卷四百五十九

鷓鴣類

五言古

武陵精舍

明岳岱

白石何累累流水亦復急  
茅茨對夕暉敝筓待鮮食  
曠翅滿魚梁鷓鴣與鷓鴣

五言絕句

鷓鴣堰

唐王維

乍向紅蓮沒復出青蒲颺獨立何襟袂銜魚古查上

七言絕句

春水生

唐杜甫

二月六夜春水生門前小灘渾欲平鷓鴣灘莫漫喜  
吾與汝曹俱眼明

絕句

杜甫

門外鷓鴣去不來沙頭忽見眼相猜自今已後知人意

一日須來一百迴

鷓鴣

唐  
杜荀鶴

一般毛羽結羣飛  
雨岸烟汀好景時  
深水有魚銜得出  
看來却是鷺鷥飢

過寶應新開河

宋  
楊萬里

雨裏樓船即釣磯  
碧雲便是綠蓑衣  
滄波萬頃平如鏡  
一隻鷓鴣貼水飛

柳塘春口占

元  
顧瑛

二月看看已過半春風尚爾不放晴楊柳長堤飛鳥過  
鷓鴣新水沒灘平

田家即事

明唐時升

橫塘潮急進船遲菱荇纏綿罾釣絲荷葉覆魚先入市  
青楓渡口曬鷓鴣

寶泉灘即事

明李淑媛

桃花高浪幾尺許銀石沒項不知處兩兩鷓鴣失舊磯  
銜魚飛入菰蒲去



御定佩文齋詠物詩選卷四百五十九

欽定四庫全書

御定佩文齋詠物詩選卷四百六十

鷓鴣類

五言律

應制題畫鷓鴣

明  
于慎行

渺彼榆枋翼丹青畫作真  
靜眠宮草日間傍苑花春  
顧影驕金距逢場上錦茵  
非同珠樹鳥獨用羽毛珍

七言絕句

雪岸鳴鶴

金元好問

離離殘雪點荒叢  
更著幽禽慘澹中  
笑煞畫簾雙燕子  
秋千紅索海棠風

輦下曲

元張昱

鬪鷓初罷草初黃  
錦袋牙牌日日將  
鬧市閒坊尋搭對  
紅塵走煞少年狂

元宮詞

明朱有燾

金風苑樹日光晨  
內侍鷹坊出入頻  
遇著中秋時節近



剪絨花毯鬪鴿鴉

御定佩文齋詠物詩選卷四百六十

欽定四庫全書

御定佩文齋詠物詩選卷四百六十一

天鵝類

七言絕句

湖州歌

宋  
汪元量

夜來酒醒四更過  
漸覺衾裯冷氣多  
踏雪敲門雙勅使  
傳言太子送天鵝

宮詞

元  
楊維禎

雞人報曉五門開  
鹵簿千官泊虎臺  
天上駕鸞先有信  
九重鑾駕上都回

御定佩文齋詠物詩選卷四百六十一

欽定四庫全書

御定佩文齋詠物詩選卷四百六十二

鳧類

五言古

詠單鳧

梁簡文帝

銜苔入淺水  
刷羽向沙洲  
孤飛本欲去  
得影更淹留

詠寒鳧

簡文帝

迴水浮輕浪  
沙場弄羽衣  
眇眇隨山沒  
離離傍海飛

賦得汎汎水中鳧

陳江總

歸鳧沸卉同亂下芳塘中出沒時銜蓼飛鳴忽颺風浮  
深或不息戲廣若乘空春鸚徒有賦還笑在金籠

七言古

白鳧行

唐杜甫

君不見黃鵠高於五尺童化為白鳧似老翁故畦遺穗  
已蕩盡天寒歲暮波濤中鱗介腥羶素不食終日忍飢  
西復東魯門鷄鷓亦蹭蹬聞道如今猶避風

題惠崇畫秋江鳧雁

宋 王庭珪

老崇學畫如學禪中年悟入理或然長江未落鳧雁下  
舒卷忽若無丹鉛定自維摩三昧裏半幅生綃開萬里  
不用并州快剪刀斷取鐵圍山下水

柳塘野鴨

元 虞 集

江南水退秋光淺風柳參差萬絲捲鴛鴦在梁鳧在渚  
蕩蕩扁舟去家遠千艘轉海古長策白粲連江動秋色  
斷蒲折葦野水闊爛爛明星且將弋翠盤擊露夜深寒

玉色亭亭落月殘  
太液池頭黃鵠下  
夢中曾見畫中看

五言律

詠鳧

唐李嶠

颯沓睢陽涑浮遊  
漢水隈錢飛出井  
見鶴引入琴哀李  
陵賦詩罷王喬曳  
鳥來何當歸太液  
翔集動成雷

翠漪堂

宋文同

湖水碧溶溶  
寒漪四望通  
龜魚遊浩渺  
鳧鷖下虛空  
爽氣吟窗外  
清光釣艇中  
一襟時自快  
多謝北窗風



七言律

池上雙鳧

唐吳融

碧池悠漾小鳧雛，兩兩依依祇自娛。  
釣艇忽移還散去，寒鴟有意即相呼。  
可憐翡翠歸雲髻，莫羨鴛鴦入畫圖。  
幸是羽毛無取處，一生安穩老菰蒲。

其二

雙鳧狎得傍池臺，戲藻銜蒲遠又回。  
敢為稻梁凌險去，幸無鷹隼觸波來。  
萬絲春雨眠時亂，一片濃萍浴處開。

不在籠欄夜仍好月汀星沼剩徘徊

詠鳧

宋文同

雙雙紋羽弄清漪全得天真似爾稀萬頃滄波供口腹  
一梁寒日曬毛衣雨歸別島嘔喞語風度前灘翕呷飛  
好向中流最深處等閒休上釣魚磯

五言絕句

野鴨

唐李羣玉

鴻鵠借毛衣喧呼鷹隼稀雲披菱藻地任汝作羣飛

東飛鳧

唐陸龜蒙

裁得尺錦書欲寄東飛鳧脰短翅亦短雌雄戀菰蒲

池上雙鳧

唐薛濤

雙棲綠池上朝去暮飛還更憶將雛日同心蓮葉間

方湖

宋文同

風交蒲葦亂煙斷鳧鷖飛日暮一笛起扁舟隨釣歸

冰池

文同

日暮池已冰翩翩下鳧鷖不怕池中寒便於水上宿

寒蘆港

文同

落月照冰湖曉起何太爽兩岸雪煙昏鳧鷖出深港

柴門

明鄭善夫

涼月光不了照我芳桂叢白鳧如人長來往柴門東

七言絕句

漫興

唐杜甫

糝徑楊花鋪白壇點谿荷葉疊青錢筍根稚子無人見  
沙上鳧雛傍母眠

發青山館

唐趙嘏

鳧鷖聲暖野塘春  
鞍馬風高驛路塵  
一宿青山又前去  
古來難得是閒人

天漢橋

宋文同

風吹兩岸菰蒲乾  
日曬一汀鳧鷖寒  
夜深霜月照湖水  
須上此橋憑畫欄

晚登淨遠亭

宋楊萬里

簿書纔了晚衙催  
且上高亭眼暫開  
野鴨成羣忽驚起

定知城背有船來

登淨遠亭

楊萬里

池冰愛日未全開  
旋旋波痕百皺來  
野鴨被人驚得慣  
作羣飛去却飛回

望瀛臺春望

金邊元勳

晴雲如因柳如癡  
丹杏開殘碧草齊  
一派望瀛臺下水  
暖風遲日浴鳧鷖

欵歌

元顧瑛

返照移晴入綺窗芙蓉楊柳滿秋江  
漁童款乃蕩舟去  
驚起錦鳧飛一雙

凍鳧

元 貢性之

江天歲晚景淒淒雲脚低垂望欲迷  
水鳥畏寒飛不起  
黃蘆枝上並頭棲

梨花睡鴨圖

明 顧觀

昔年家住太湖西常過吳興罨畫谿  
水閣筠簾春似海  
梨花影裏睡鳧鷖

春日懷江上

明高啟

新蒲正綠乳鳧鳴  
水沒魚梁宿雨晴  
看近清明沈種日  
野人何事不歸耕

江上晚歸

高啟

渺渺雙鳧落晚沙  
一江秋色艷明霞  
逢人不用停舟問  
大樹邨中即我家

巴人竹枝歌

明王廷相

野鴨嗚嗚一雙飛  
飛到儂池不肯歸  
莫共鴛鴦鬪毛羽



鴛鴦情性世間稀

御定佩文齋詠物詩選卷四百六十二

欽定四庫全書

御定佩文齋詠物詩選卷四百六十三

竹雞類

泥滑滑同

長短句

禽言

宋  
朱子

泥滑滑泥滑滑  
秦望雲荒鏡湖闊  
綠秧刺水水拍堤  
牙旗畫舸凌風發  
使君行樂三江頭  
泥滑水深君莫憂

五言絕句

泥滑滑

宋文同

春日正清明滿園花盛發勸爾竹木雞莫啼泥滑滑

七言絕句

絕句

宋范成大

晴色先從喜鵲知斜陽一抹照天西竹雞何物能無賴  
如許泥深更苦啼

天台道上早行

宋戴昺

篋輿軋軋過清谿谿上梅花壓水低月影漸收天半曉

兩山相對竹雞啼

雪霽

金馬定國

高巖旭日吐深頰  
雪霽樓臺白玉京  
獨往南塘探春色  
琵琶花下竹雞鳴

竹枝詞

元丁鶴年

竹雞啼處一聲聲  
山雨來時郎欲行  
蜀天却似離人眼  
十日都無一日晴

入垓口

明程慶疏

沙明水碧淨無泥三百灘盤上歛谿兩岸青山春欲暮  
棟花飛盡竹雞啼

府江雜詩

明謝少南

落日官軍舉號齊  
瑠戈畫盾障山蹊  
不嫌銅斗通宵擊  
却厭斑雞半嶺啼

寄洪時齋

明僧德祥

草上東風柳上煙  
谿頭三日嫩晴天  
竹雞叫斷春泥滑  
閒與梅花說舊年



御定佩文齋詠物詩選卷四百六十三



欽定四庫全書

御定佩文齋詠物詩選卷四百六十四

鷺類

五言古

附長短句

詠鷺

唐駱賓王

鷺鷥鷺鷥曲項向天歌  
白毛浮綠水紅掌撥清波

道州北池放鷺

唐呂溫

我非好鷺癖爾之鳴雁  
資安得免沸鼎澹然游清池見

生不忍食深情固在斯能自遠飛去無念稻粱為

滕昌祐漢香睡鷺圖

元虞集

蒼鷺惜毛羽宛宛卧春雨雨餘日照沙上有漢香花懷  
香不自獻夢到金鑾殿殿池多躍魚君王方草書

七言古

趙大年鷺圖

元楊維禎

鏡湖湖上春波明灣碕樹樹鷺黃青上有金衣弄黃舌  
下有紅掌浮繡翎春鋤一白能自好尚嫌性帶鷓鴣腥

眼明見此羣鶴鶴不與匹鳥爭春晴大年筆法如蘭亭  
宛頸箇箇由天成良宮流落二百載賈人不厭千金爭  
却恨會稽內史無此筆為人辛苦書黃庭

五言律

舟前小鷺兒

唐杜甫

鷺兒黃似酒對酒愛新鷺引頸嗔船逼無行亂眼多翅  
開遭宿雨力小困滄波客散層城暮狐狸奈若何

黃尊師高軒觀鷺因畱宿

元揭傒斯

開軒南嶽下世事未曾聞  
落葉常疑雨方池半是雲  
偶尋騎鶴侶來此看鷺羣  
一夜潺湲裏秋光得細分

與客夜登開利寺觀鷺亭

明王問

野寺寒雲外猶傳晉永和  
逢君非有約踏月偶相過  
廢沼冰稜淺荒亭霜氣多  
懷思倚闌者書罷獨籠鷺

七言絕句

送賀賓客歸越

唐李白

鏡湖流水漾清波  
狂客歸舟逸興多  
山陰道士如相見

應寫黃庭換白鷺

得房公池鷺

唐  
杜甫

房相西亭鷺一羣  
眠沙汎浦白於雲  
鳳凰池上應迴首  
為報龍隨王右軍

題鷺

唐  
李商隱

眠沙卧水自成羣  
曲岸殘陽極浦雲  
那解將心憐孔翠  
羈雌長共故雄分

深院

唐  
韓偓

鸞兒啞唳梳黃紫鳳子輕盈膩粉腰深院下簾人晝寢  
紅薔薇映碧芭蕉

同樂園

金趙秉文

石作垣牆竹映門水迴山複幾桃源毛飄水面知鸞柵  
角出牆頭認鹿園

閒閒公為上清宮道士寫經并以所養鸞羣付  
之諸公有詩甚亦同作

元楊雲翼

會稽筆法老無塵今代閒閒是後身只有愛鸞緣已盡

舉羣還付向來人

春寒

元方回

燈節蕭條雷後雪花天料峭雨餘霜經旬不出無情緒  
恰見鷺兒似酒黃

訪張道士題壁

明袁凱

道士門前春日溫千重碧草睡鷺羣山風忽送桃花雨  
濕徧牀頭白練裙

過北塘

明高啟

春水滿田如一湖入田放艇看鷺雛女郎祠下野花雜  
老子門前沙樹孤

夜至陽城田家

高啟

東津渡頭初月輝南陵寺裏遠鐘微主人入夜門未掩  
蒲響滿塘鷺鴨歸

觀書偶成

明史鑑

竹深門閉亂藤垂隱几觀書欲倦時長嘯不知風起處  
槐花吹落戲鷺池





御定佩文齋詠物詩選卷四百六十四

欽定四庫全書

御定佩文齋詠物詩選卷四百六十五

鴨類

五言古

鴨雛

宋梅堯臣

春鴨日浮波羽冷難伏卵常因雛抱時託以雛窩暖三  
旬殼既坼乳毛寒脰短雛寧辨其雛翅擁情款款一日  
向水涯所稟殊未斷汎然去中流雛呼心寘寘人之苟

異懷負義不足算有志在養毓勿論報德限

鬪鳴篇

明高啟

春波漾羣鳧戲鬪每堪翫宛轉迴翠吭襍褊振文翰聲  
兼江雨喧影逐浦雲亂唼喋隊初交紛披勢將散持敵  
忽同沈呼儔更相喚時陳水檻側或聚湖亭畔長鳴若  
賈勇遠奮如追竄荷葉觸俱翻羨絲脣齊斷魚駭沒中  
流鷗驚起前岸心踰壘雉驕氣壓塲雞悍海客朝自驅  
谿娃晚猶看稍欲礙行舟渾忘避流彈苦爭應為食幸

勝非因算微鳥昧全軀臨川獨成歎

長短句

射鴨詞

明高啟

射鴨去清江曙射鴨返回塘晚秋菱葉爛煙雨晴鴨羣  
未下媒先鳴草翳低遮竹弓殼水冷田空鴨多瘦行舟  
莫來使鴨驚得食忘猜正相鬪莆唼唼毛襪襪潛機一  
發那得知

五言律

花鴨

唐 杜甫

花鴨無泥滓階前每緩行羽毛知獨立黑白太分明不  
覺羣心妬休牽衆眼驚稻梁露汝在作意莫先鳴

五言絕句

畫鴨

元 揭傒斯

春草細還生春雛養漸成茸茸毛色起應解自呼名

六言絕句

宮中三臺詞

唐 王建

魚藻池邊射鴨芙蓉苑裏看花日色柘袍相似不著紅  
鸞扇遮

靜觀

宋文同

十許紋魚遊水一雙花鴨眠沙靜觀只恐鷺去無語憑  
欄日斜

七言絕句

小鴨

宋黃庭堅

小鴨看從筆下生幻法生機全得妙自知力小畏滄波

睡起晴沙依晚照

春日

宋  
晁冲之

陰陰谿曲綠交加  
小雨翻萍上淺沙  
春色不堪流水送  
雙浮鳴鴨趁桃花

晚春田園雜興

宋  
范成大

烏鳥投林過客稀  
前山烟暝到柴扉  
小童一棹舟如葉  
獨自編欄鴨陣歸

夏日田園雜興

范成大



千頃芙蓉放棹嬉花深迷路晚忘歸家人暗識船行處  
時有驚忙小鴨飛

茶陵竹枝歌


明 李東陽

拍拍東風燕子寒卷簾花絮若為看夜深雨脚何曾睡  
春水平於養鴨欄

白苧詞

明 孫一元

江上睡鴨煙草肥江南白苧催換衣雨聲四月不知暑  
過盡櫻桃人未歸



御定佩文齋詠物詩選卷四百六十五

欽定四庫全書

集部

御定佩文齋詠物詩選卷四百六十九

詳校官侍郎<sub>臣</sub>李封

主事銜<sub>臣</sub>徐以坤覆勘

總校官檢討<sub>臣</sub>何思鈞

校對官中書<sub>臣</sub>張曾炳

謄錄監生<sub>臣</sub>陳燦

欽定四庫全書

御定佩文齋詠物詩選卷四百六十六

雞類

五言古

鬪雞篇

魏  
曹植

遊目極妙伎清聽厭宮商主人寂無為衆賓進樂方長  
延坐戲客鬪雞觀間房羣雄正翕赫雙翅自飛揚揮羽  
激清風悍目發朱光背落輕毛散嚴距往往傷長鳴入

青雲扇翼獨翱翔願蒙豕膏助常得擅此場

鬪雞

魏  
劉楨

丹雞被華采雙距如鋒鋌願一揚炎威會戰此中唐利  
爪探玉除瞋目含火光長翹驚風起勁翮正敷張輕舉  
奮鈎喙電擊復還翔

鬪雞

梁  
簡文帝

歡樂良無已東郊春可遊百花非一色新田多異流龍  
尾橫津漢車箱起戍樓玉冠初警敵芥羽忽猜儔十日

驕既滿九勝勢恒道脫使田饒見堪能說魯侯

鬪雞

陳徐陵

季子聊為戲陳王欲騁才花冠已衝力芥瓜復驚媒鬪  
鳳羞衣錦雙鸞恥鏡臺陳倉若有信為覓寶雞來

鬪雞東郊道

陳褚玠

東郊鬪雞侶捧敵兩逢迎說羣排袖出帶勇向場驚錦  
毛侵距散芥羽雜塵生還同戰勝罷耿介寄前鳴

看鬪雞

北周王褒

蹀躞始橫行意氣欲相傾  
妬敵金芒起猜羣芥粉生入  
場疑挑戰逐退似追兵  
誰知函谷下人去獨開城

鬪雞

北周 庾信

開軒望平子驟馬看陳王  
狸膏熏鬪敵芥粉盪春場  
解翅蓮花動猜羣錦臆張

雞鳴篇

隋 岑德潤

鐘響應繁霜晨雞錦臆張  
簾迴猶侵露枝高已暎光  
排空下朝揭奮翼上花場  
雨晦思君子闕開脫孟嘗  
既得

依雲外安用集陳倉

鬪雞聯句

同孟郊

唐韓愈

大雞昂然來小雞竦而待愈崢嶸顛盛氣洗刷凝鮮彩

郊高行若矜豪側睨如同殆愈精光目相射劒戟心獨

在郊既取冠為曹復以距為鐵天時得清寒地利挾爽

塏愈磔毛各噤瘁怒癭爭礮磊莪膺忽爾低植立瞥而

改郊膈膊戰聲喧續紛落羽雉中休事未決小挫勢益

倍愈妬腸務生敵賊性專相醢裂血失鳴聲啄殷甚飢



餒郊對起何急驚隨旋誠巧結毒手飽李陽神槌困朱

亥愈惻心我以仁碎首爾何罪獨勝事有然傍驚汗流

浼郊知雄欣動顏怯負愁看賄爭觀雲填道助叫波翻

海愈事爪深難解嗔晴時未怠一噴一醒然再接再礪

乃郊頭垂碎丹砂翼塌拖錦綵連軒尚賈餘清厲比歸

凱愈選俊感收毛受恩慚始隗英心甘鬪死義肉恥庖

宰君看鬪雞篇短韻有可採郊

七言古 附長短句

雞鳴篇

梁簡文帝

時雞識將曙長鳴高樹顛  
啄葉疑障羽排花強欲前  
意氣多驚舉飄揚獨無侶  
陳思助鬪協狸膏  
邱昭妬敵安金距  
丹山可愛有鳳凰  
金門飛舞有鴛鴦  
何如五德美豈勝千里翔

雞鳴歌

隋閻名

東方欲明星爛爛  
汝南晨雞登壇喚  
曲終漏盡嚴具陳  
月沒星稀天下旦  
千門萬戶遞魚鑰  
宮中城上飛烏鵲

縛雞行

唐杜甫

小奴縛雞向市賣雞被縛急相喧爭家中厭雞食虫蟻  
不知雞賣還遭烹蟲雞於人何厚薄吾叱奴人解其縛  
雞蟲得失無了時注目寒江倚山閣

雞鳴曲

唐陳陶

雞聲春曉上林中一聲驚落蝦蟆宮二聲喚破枕邊夢  
三聲行人煙海紅平旦慵將百雛語蓬鬆錦繡當陽處  
愧君飲食長相呼為君晝鳴下高樹

仙雞詩

金元德明

老雄健鬪誇擅場韓郎抱歸神色傷豈知黠兒出徽幸  
毒手一發不得防毳衣散灑尚可養利嘴一哆何由張  
青囊道人何許來自言救藥我有方垂髯啖水濯殘血  
半喙隨手生新黃筠籠半開聞膈膈草冠已往徒驚忙  
神仙世有寧虛荒惜哉說激不可量世人鷲勇天且削  
况於物也資強梁敷榮枯枿變金石未若與世鍼膏盲  
何須變化示狡獪知君辦作淮南王蓬萊東望雲茫茫

愛而不見心為狂  
刀圭不願換凡骨  
且欲共醉無何鄉

鬪雞行

元 楊維禎

兩雄勇銳誇匹敵  
老距當場利如戟  
斃毳毳總蝟刺張  
怒咽魄礪瞋睛碧  
劍心一動碎花冠  
口血相污膠綵翼  
何當罷鬪作啼聲  
埭上梨花春露滴

雞鳴歌

明 高 啟

北斗城頭北斗低  
萬家夢破一聲雞  
馬蹄踏踏車轆轤  
闕下連趨市中逐  
雄雞安得噤爾聲  
利名少息世上爭

漫漫夜長人不驚

錢舜舉畫花石子母雞圖

明王淮

落紅香散東風軟  
靈巖絡翠苔紋淺  
閒庭晝永日當空  
花影團團移未轉  
兩雞不識春意佳  
棲遲也傍庭前花  
父雞昂然氣雄壯  
獨立峯顛發高唱  
母雞喑喑領七雛  
且行且逐鳴相呼  
兩雛依依挾母腋  
母力已勞兒自得  
兩雛啾啾趨母前  
有如嬌兒聽母言  
兩雛唧唧隨母後  
呼之不前不停口  
一雛引首接母蟲  
兒腹已飽母腹空

嗟爾愛雞乃如此不知爾雞何報爾錢翁摹此悅生意  
我獨觀之暗流涕劬勞難報慈母恩漂泊江湖復何濟  
展圖三歎重摩挲雞乎雞乎奈爾何

雞鳴歌

明僧道衍

金壺漏殘霜滿屋雞鳴喈喈烏尚宿征夫才起促行裝  
馬為駕鞍車整轂雞罷俄聞鼓角悲別婦出門雙淚垂  
婦牽夫袂話歸日願學雞鳴不失時

五言律

詠雞

唐 杜甫

紀德名標五初鳴度必三殊方聽有異失次曉無慚問  
俗人情似充庖爾輩堪氣交亭育際巫峽漏司南

雞

唐 徐黃

名參十二屬花入羽毛深守信催朝日能鳴送曉陰  
冠裝瑞壁利爪削黃金徒有稻粱感何由報德音

五言排律

詠寒食鬪雞應秦王教

唐 杜淹



寒食東郊道揚鞞競出籠花冠初照日芥羽正生風顧  
敵知心勇先鳴覺氣雄長翹頻掃陣利爪屢通中飛毛  
遍綠野灑血漬芳叢雖然百戰勝會是不論功

七言律

晨雞

唐  
劉兼

朱冠金距綵毛身昧爽高聲已報晨作瑞莫慚先貢楚  
擅場須信獨推秦淮南也伴升仙犬函谷曾容借曉人  
此日卑棲隨飲啄宰君驅我亦相馴

五言絕句

聞雞贈主人

唐李益

嘒嘒司晨鳴報爾東方旭無事戀君軒今日重見鵠

早行遇雪

唐石召

荒郊昨夜雪羸馬又須行四顧無人跡雞鳴第一聲

近詩

唐奚銑金

舞鏡爭鸞絲臨場定鶻拳正思仙仗日翹首御樓前

其二

養鬪形如木迎春質似泥信如風雨在何憚迹卑棲

其三

為脫田文難常懷紀消恩欲知疎野態霜曉叫荒邨

早行

宋 劉子翬

邨雞已報晨曉月漸無色行人馬上去殘燈照空驛

飲酒西巖

金 蔡松年

雞羣媚稻梁老鶴日疎野人言隨其流故有不同者

金雞山

元 貢師泰

巨靈劈山石飛出黃金雞至今山下人猶聽雲中啼

雜興

元周權

寒童引羸驂路入蒼巘去深處有人家雞鳴白雲樹

馬氏東軒

明高啟

陽和受最多爽氣看應少晞髮此窗前雞鳴海天曉

途中

明陸深

曉行不知程夢醒聞細浪曙月逐雞聲棹歌來枕上

六言絕句

曉枕

宋 范成大

煮湯聽成萬籟添被知是五更陸續滿城鐘動須臾後  
巷雞鳴

七言絕句

賦得雞

唐 李商隱

稻梁猶足活諸雛  
妬敵專場好自娛  
可要五更驚穩夢  
不辭風雪為陽烏

仙人詞

唐 陳陶

赤城門開六丁直曉日已燒東海色朝天半路聞玉雞  
星斗離離礙龍翼

雞鳴曲

唐汪遵

金距花冠傍舍棲清晨相叫一聲齊開關自有馮生計  
不必天明待汝啼

雞

唐崔道融

買得晨雞共雞語常時不用等閒鳴深山月黑風雨夜  
欲近曉天啼一聲

僧與白雞

宋蘇軾

斷尾雄雞本畏烹，年來聽法伴修行。  
還須却置蓮花漏，老怯風霜恐不鳴。

太湖泐檝西原道即事

宋程俱

司空山頭朝出雲，西源渡口十里陰。  
烟中雞唱未及午，白雨作泥泥已深。

武彛棹歌

宋朱子

四曲東西兩石巖，巖花垂露碧盪潏。  
金雞叫罷無人見。

月滿空山水滿潭

和籌堂途中即事

金李俊民

晚風吹雨過山堂  
燈火秋涼好對牀  
却被荒雞笑人懶  
一聲催起著鞭忙

和黃景杜雪中即事

元趙孟頫

雪寒淒切透書帷  
極目南雲入望低  
欲報平安無過雁  
忽驚殘夢有鳴雞

登師山諸生有書

元鄭玉



城上鐘聲度遠谿  
扶桑破曙海雲低  
披衣欲起還歌枕  
山下晨雞四面啼

小遊仙

元 楊維禎

東逾弱水赤流深  
夜得桃都息羽旌  
地底日迴天上去  
金雞如鳳自交鳴

郊行

明 莊 昶

凌兢瘦馬踏春泥  
雪後郊原綠未齊  
一抹午煙風隔斷  
野雞聲在竹林西

題畫

明沈周

水次人家似漢西  
參差竹樹路俱迷  
谿翁兀兀不出戶  
日午飯香雞正啼

贈致政司諫劉後峯

明李開先

人散燈殘睡正濃  
驚迴曉夢思重重  
攬衣歌枕從容聽  
野店雞聲野寺鐘

雞

明俞允文

月落空營舊壘低  
寒風獵獵大荒西  
驚魂易斷江南夢

惱殺重城未曉啼

宿太華山寺

明 張佳穎

石牀橫架萬峯西  
海上雙珠入戶低  
自是山中無玉漏  
朝霞還有碧雞啼

鬪雞圖

明 周天球

英年曾入鬪雞場  
金距狸膏事已荒  
惟有雄心忘未得  
披圖猶自問低昂

田家即事

明 唐時升

新成燕麥欲相扶  
風急高楊落乳烏  
社酒醒來人寂寂  
紫桐花下數雞雛

柳上嘲吳凝父

明范洵

林臯葉脫風淒淒  
遠峯森立寒雲齊  
滿船離思半江月  
未到五更雞亂啼

御定佩文齋詠物詩選卷四百六十六

欽定四庫全書

御定佩文齋詠物詩選卷四百六十七

雜鳥類

四言古

大鵬贊

晉  
阮修

踴踴大鵬誕自北溟假精靈鱗神化以生如雲之翼如  
山之形海運水擊扶搖上征

比翼鳥贊

晉  
郭璞

鳥有鷦鷯似鳧青赤雖云一質氣同體隔延頸離鳴翻  
能合翻

五言古

五色雀

宋蘇軾

粲粲五色羽炎方鳳之徒青黃縞玄服翼衛兩紱朱仁  
心知閔農常告雨霽符我窮惟四壁破屋無瞻烏惠然  
此粲者來集竹與梧鏘鳴如玉佩意欲相嬉娛寂寞兩  
叅生食菜真臞儒小圃散春物野桃陳雪膚舉杯得一

笑見此紅鸞雛高情如飛仙未易握粟呼何為去復來  
眷眷豈屬吾回翔天壤間何必懷此都

七言古 附長短句

時樂鳥篇

唐張說

舊傳南海出靈禽時樂名聞不可尋形貌乍同鸚鵡類  
精神別稟鳳凰心千年待聖方輕舉萬里呈材無伴侶  
紅茸糝繡好毛衣清冷謳鴉好言語內人試取御衣牽  
啄手暝聲不許前心願陽鳥恒保日志嫌陰鶴欲凌天



天情詵訝良無已  
察圖果見祥經裏  
本持符瑞驗明王  
還用文章比君子  
自憐弱羽詎堪珍  
喜共華篇來示人  
人見嚶嚶報恩鳥  
多慚碌碌具官臣

鷓鴣詞

宋 歐陽修

龍樓鳳閣鬱崢嶸  
深宮不聞更漏聲  
紅紗蠟燭愁夜短  
綠窗鶉鴂催天明  
一聲兩聲人漸起  
金井輾轡聞汲水  
三聲四聲侵嚴妝  
紅靴玉帶奉君王  
萬年枝軟風露濕  
上下枝間聲轉急  
南衙促仗三衛列  
九門放鑰千官入

重城禁籞鎖池臺此鳥飛從何處來君不見潁河東岸

邨陂闊山禽野鳥常嘲啞田家惟聽夏雞聲

鵲鵲京西邨人謂之

夏雞

夜夜籠頭耕曉月可憐此樂獨吾知春戀君恩今白

髮

禽言

宋蘇軾

去年麥不熟挾彈規我肉今年麥上場處處有殘粟豐年無象何處尋聽取林間快活吟

其二

力作力作蠶絲百箔壟上麥頭昂林間桑子落願儂一  
箔千兩絲繅絲得蛹飼爾雛

禽言

元 楊維禎

姑惡姑惡姑不惡妾命苦姑有孝女姑為慈母妾亦甘  
為東海婦

倒挂

明 高 啟

綠衣小鳳啼愁罷瘦影翻懸桂枝下芙蓉帳裏篆消時  
解歛餘香散中夜鐘鼓迢迢鎖禁門宵衣未得奉明恩

五更香冷羅浮月想憶梅花應斷魂

禽言

明 馮惟敏

鳳凰不如我竹實醴泉真瑣瑣何不委形濁世中飛鳴  
飲啄無不可鳳凰不如我

其二

得過且過風雨冥冥巢欲墮飽煖當時不自知炎涼此  
日方參破得過且過

五言律

白鴿

唐徐夬

舉翼凌空碧，依人到大邦。  
粉翎棲畫閣，雪影拂瓊窗。  
振鷺堪為侶，鳴鳩好作雙。  
狎鷗歸未得，覩爾憶晴江。

五言排律

學諸進士作精衛銜石填海

唐韓愈

鳥有償冤者，終年抱寸誠。  
口銜山石細，心望海波平。  
渺渺功難見，區區命已輕。  
人皆譏造次，我獨賞專精。  
豈計休無日，惟應盡此生。  
何慚刺客傳，不著報讐名。

七言律

恭題皇上所御畫扇鵲鴿葵蘭

明趙用賢

花鳥芳菲禁苑中，畫圖省識見春風。  
香飄蘭氣千莖碧，日麗葵心萬朵紅。  
當暑攜來看皎潔，白天題處轉青蔥。  
鵲鴿原上休相急，已荷皇仁祝網同。

題御扇所畫鵲鴿葵蘭

明申時行

花萼樓前過鵲鴿，羣飛相逐總含情。  
非關原上秋聲急

自傍林間淑景鳴影散瑤階  
葵日午音調玉管蕙風清  
當時集木稱竒瑞何似儀庭應聖明

桂花芙蓉山雀

明何洛文

墨華點綴九秋容  
寶簷看疑御苑逢  
金粟半含青桂樹  
錦雲初燦木芙蓉  
芬香宛自清風發  
艷色彌從滿月濃  
更喜雙雙枝上雀  
輕颺翠羽近飛龍

五言絕句

春懷故園

唐柳宗元

九扈鳴已晚楚鄉農事春悠悠故池水空待灌園人

青鷁

唐李羣玉

獨立蒹葭雨低飛浦嶼風須知毛色異莫入鷺鷥叢

湘中

唐鄭僕射

青鷁苦幽獨隔江相對稀夜寒蘆葉雨空作一聲歸

偶題

唐蒼頭捧劍

青鳥銜蒲萄飛上金井欄美人恐驚去不敢捲簾看

拖白練

宋文同



盤石坐深林不欲人求見  
隔岸誰品絃數聲拖白練

連點七

文同

翩翩彼珍禽金羽耀寒日  
飛落灘上冰對人連點七

淘河

文同

羣魚見新晴萬鬣戲清泚  
忽爾下淘河驚飛入水底

舜舉畫棠梨練雀

元程鉅夫

霜暈棠梨臉風梳練雀翎  
含毫心欲醉開卷眼還醒

春妍帶雪圖

元虞集

玉茗深宮裏春妍帶雪殘可憐五色羽相並不知寒

六言絕句

鶴

宋文同

常惡靜時鳧鶩不驚飽處蝦魚與我閒正相似問爾樂復何如

七言絕句

朱坡

唐杜牧

煙深苔巷唱樵兒花落寒輕倦客歸藤岸竹洲相掩映

滿池春雨鷓鴣飛

和襲美松江早春

唐陸龜蒙

柳下江餐待好風  
暫時還得狎漁翁  
一生無事煙波足  
惟有沙邊水勃公

龜山寺晚望

唐張翥

四面湖光絕路歧  
鷓鴣飛起暮鐘時  
漁舟不用懸帆席  
歸去乘風插柳枝

出郊雜詠

宋王炎

道上東風掠面輕  
一犁雨足得新晴  
草頭蛺蝶自由舞  
林下鷓鴣相對鳴

冬日田園雜興

宋

范成大

斜日低山片月高  
睡餘行藥繞江郊  
霜風掃盡千林葉  
閒倚筇枝數鶴巢

自晨至午起居飲食皆以牆外人物之聲為節

戲書四絕

錄一

范成大

巷南敲板報殘更  
街北彈絲行誦經  
已被兩人驚夢斷

誰家風鶴鬪鳴鈴

宮詞

宋  
花藥夫人

安排竹柵與芭籬  
養得新生鶉鴿兒  
宣受內家專喂飼  
花毛閒看總皆知

東家四時詞

元  
虞集

賀雪宮門上表歸  
貂裘猶帶六花飛  
海南新送收香鳥  
轉覺清寒入翠帟

題十二紅卷子

元  
楊載

碧桃枝上有珍禽調舌交交送好音畫出江南春意思  
明年攜酒共追尋

牡丹鵝鴿圖

元朱德潤

深院朱闌覆錦裯百花開盡牡丹春粉毛雙鴿多馴狎  
對浴金盆不避人

蓼花雪姑圖

元陳基

紅蓼花開水滿洲西風吹夢總成秋銜泥不及三春燕  
兩兩巢君翡翠樓

小遊仙詞

元 楊維禎

金鷲藥生瑤水陰  
錦駝鳥鳴珠樹林  
上皇勅賜龍色酒  
天樂五雲流玉音

漫興

楊維禎

南鄰酒伴辱相呼  
共訪城東舊酒壚  
柳下秋千閒絡索  
花間喚起勸胡盧

水墨四香畫

楊維禎

玉龍聲嘶五更了  
綠衣倒挂樽桑曉  
道人衝寒酒未醒

梨花零落春雲小

雜題

元王逢

洄塘昨夜綠波增  
偶策交州鬼面藤  
一雨百花香洗盡  
流春缸上立魚鷹

吐綬鳥

元鄭允端

庭院春陰護薄寒  
山禽飛下玉闌干  
胸中錦繡無人識  
閒向東風自吐看

湖上

明王寵



星槁北挂瀉春流映出黃山水面浮霞石天青飛練鵲  
桃花氣暖醉輕鷗

題畫為李宮詹子蕃

明 黎民表

武帝清齋太乙宮上林無處不春風遙知絳節隨王母  
青鳥飛來御苑中

山水圖

明 僧宗泐

綠水青山茂苑西荷花開遍越來谿漁郎蕩漾灣頭去  
五月深林謝豹啼



御定佩文齋詠物詩選卷四百六十七

欽定四庫全書

御定佩文齋詠物詩選卷四百六十八

龍類

附蛟虬

五言古

應龍篇

陳

張正見

應龍未起時乃在淵底藏非雲足不蹈舉則冲天翔譬  
彼野蘭草幽居常獨香清風播四遠萬里望芬芳隱居  
可願志自見焉得彰

飛龍引

北齊  
蕭愨

河曲銜圖出江上負舟歸欲因作雨去還逐景雲飛引  
商吹細管下徵泛長徽持此淒清引春夜舞羅衣

龍潭

元  
劉因

盤磴脫交陰平壇得高岑高岑不可攀飛湍激幽音窮  
源豈不得爽氣來駸駸靈潤發山骨沮洳下崖陰為問  
石上苔妙理誰曾尋乾坤有乾溢此水無古今下有靈  
物棲倒影毛髮森東州旱連歲呼龍動雲林顧此百丈

潭豈無三日霖為霖此雖能鞭策由天心日暮碧雲合  
空山深復深

七言古 附長短句

日離海

宋  
謝翱

日離海青瞳矐沃以積水涵蒼穹神光隱豹霧空氣呼  
吸為蛟龍赤雲衣紫霓從吹白衆宿歌大風天吳遁清  
海宮

僧傳古湧霧出波龍圖歌

元  
柳貫

葉公好龍致真龍精氣所感無不通僧中劉累有傳古  
夜夢捷入驪龍宮陽暉燄燄陰精動左右給侍皆魚蟲  
探珠不得逢彼怒轟然鼓鬣興雷風潛窺竊識領其妙  
寫之萬楮將毋同目睛數月纔一點波浪咫尺如層空  
乘雲執鏡麾電母跨海獻寶招河宗劉嘗善秦古善畫  
得意忘象象乃工為龍為畫了不識有頃啜水投長虹  
龍乎龍乎德正中超忽變化天為功絳冠帝子秉節從  
九淵喚起赤鯁公永奠鼇極開鴻濛

題王宰所藏墨龍

柳貫

飛廉為御豐隆車憑陵九淵傾尾閭誰與發墨啟元奧  
神光躡斗旋其樞湖邊竹屋清夜徂防有没人來摘珠

題陳所翁墨龍

元薩都拉

畫龍天下稱所翁秃筆光射驪珠宮長廊白日走雲氣  
大厦六月生寒風興來一飲酒一石手提元兎追霹靂  
漲天煙霧晴不收頭角崢嶸出墻壁全形具體得者稀  
今日海邊親見之滿堂光燄動鱗甲倒挾海水空中飛



凌風直上九天去  
天下蒼生望霖雨  
太平天子居九重  
黍稷穰穰千萬古

題陳所翁九龍戲珠圖

元張翥

兩龍頡頏出重淵  
白日移海空中懸  
一龍回矯一倒起  
側磔虬髯怒噴水  
大珠炎炎如彈丸  
爪底雲頭爭控搏  
一龍昂首逆鱗露  
兩龍旁睨蒼崖蟠  
怪風狂電浩呼洶  
天吳倅立八山動  
一龍後出尤崛竒  
半尾戲繞蜿蜒兒  
兒生未角已神猛  
一顧却走千蛟螭  
陳翁硯池藏霹靂

往往醉時翻水滴便覺天瓢入手來雨氣模糊渾是墨  
我嘗見畫多巨幅簸蕩驚濤駭人目何如此筆窮變化  
三尺微綃形勢足是翁前身定龍精故能吸歛奔精靈  
卷圖還君慎封鐫但恐破壁飛空冥

題蒼龍戲海圖

元  
陳泰

天孫織雲春錦紅玉梭誤落乘剛風一夕變化雲溟濛  
海水起立為珠宮坐今年年杼軸空誰與黼黻上帝躬  
求梭不得愁鬼工安知入君懷袖中

墨龍

元張雨

高昌世子寫墨龍此龍乃出開元中東井水與天河通  
龍下取水遺其蹤道人識為黑帝子逃入世子之筆鋒  
井頭夜半飛霹靂元氣淋漓雪色碧一鎖銀牀五百年  
纔點目睛生羽翼

題吳彥嘉所藏張秋蟾龍圖

明方行

張公畫龍人不識筆法遠自僧繇得挂向高堂神鬼驚  
恍惚電光來破壁夜當渤海開筆力元氣霖霖浸無極

吞吐日月天地昏摩盪雲雷太陰黑江翻石轉窈莫測  
雪濤卷空銅柱側洞庭扶桑非爾誰顛倒滄溟為窟宅  
乃知茲圖只數尺坐令萬里起古色何當置我君山湖  
上之高峯聽此老翁吹鐵篴

七言律

龍池樂章

唐  
蘇頲

西京鳳邸躍龍泉佳氣休光鎮在天軒后霧圖今已得  
秦王水劔昔嘗傳恩魚不入昆明釣瑞鶴常如太液仙

願侍巡遊同舊里更聞蕭鼓濟樓船

奉和聖製龍池篇

唐姚崇

恭聞帝里生靈祉應報明君鼎業新  
既協翠泉光寶命還符白水出真人  
當時舜海潛龍躍此日堯河帶馬巡  
獨有前池一小鴈叨承舊患入天津

五言絕句

黃神谷紀事

唐馬戴

霹靂震秋岳折松橫洞門雲龍忽變化  
但見玉潭渾

續古

唐陳陶

景龍臨太極五鳳當庭舞誰信壁間梭升天作雲雨

龍井

元貢師泰

寶劍落深潭時時見光怪鱗甲飛上天白晝風雨快

玉簾泉

元杜本

燦爛金為屋玲瓏玉作簾飛泉來百道中有老龍潛

畫扇

元張憲

渴龍飲清江江水皆倒立風雨滿山來石楠半身濕

小臨海曲

元 楊維禎

網得珊瑚樹移栽瑪瑙盆  
夜來風雨橫龍氣上珠根

題道士青山白雲圖

明 張以寧

雲氣曉來濃前山失數峯  
道人夜作雨呼起碧潭龍

七言絕句

絕句

唐 杜甫

欲作漁梁雲覆湍因驚四月雨  
聲寒青溪先有蛟龍窟  
竹石如山不敢安

小游仙

唐  
曹 唐

白石山中自有天，竹花藤葉隔谿煙。  
朝來洞口圍棋了，賭得青龍值幾錢。

其二

且欲留君飲桂漿，九天無事莫推忙。  
青龍舉步行千里，休道蓬萊歸路長。

其三

瓊樹扶疎壓瑞煙，玉皇朝客滿花前。  
東風小飲人皆醉。



短尾青龍枕水眠

偶題

宋  
王安石

山腰石上千年澗石眼全無一日乾  
天下蒼生望霖雨不知龍向此中蟠

上沙遇雨快涼

宋  
范成大

刮地風來健葛衣一涼便覺暑光低  
雲頭龍挂如垂筋雨在中峯白塔西

臺山雜詠

金  
元好問

靈蛇不與世相關時復蜿蜒水石間何處天瓢待霖雨  
一龕香火梵仙山

玉龍圖

元虞集

貝闕澄澄海月生水晶簾影接空明鮫綃剪得霓裳就  
却擁冰髯上太清

夜發龍潭

元薩都拉

船頭夜靜天如水渡口潮平月在江燈影搖波風不定  
老龍吹浪濕篷牕

遊覆山宿草堂

元鄭玉

眠雲石上屋三間瀑布當檐坐卧着怪底岩前龍忽起  
夜來風雨不勝寒

嶺南雜詠

明汪廣洋

番禺南望渺烟波怪底魚龍出沒多頃刻風霆飛白晝  
黑雲拖雨過牂牁

奉同王浚川海上雜歌

明薛蕙

天雞啼處夜生潮東望蓬萊翠霧消紫貝高為雲外闕

青龍盤作日邊橋

御定佩文齋詠物詩選卷四百六十八